



INTERNA PRAVILA

O PODNOŠENJU ZAHTJEVA ZA STICANJE STATUSA POTENCIJALNOG PRIVILEGOVANOG I PRIVILEGOVANOG PROIZVOĐAČA ELEKTRIČNE ENERGIJE IZ OBNOVLJIVIH IZVORA ENERGIJE I EFIKASNE KOGENERACIJE

novembar 2014. godine

Na osnovu člana 10. Zakona o korištenju obnovljivih izvora energije i efikasne kogeneracije ("Službene novine Federacije BiH", broj: 70/13 i 05/14) i člana 6. i 31. Statuta Operatora za obnovljive izvore energije i efikasnu kogeneraciju, broj: 01-242/14 od 02.09.2014, direktor Operatora za obnovljive izvore energije i efikasnu kogeneraciju, uz prethodnu saglasnost Upravnog odbora Operatora za obnovljive izvore energije i efikasnu kogeneraciju, d o n o s i

INTERNA PRAVILA
O PODNOŠENJU ZAHTJEVA ZA STICANJE STATUSA POTENCIJALNOG
PRIVILEGOVANOG I PRIVILEGOVANOG PROIZVOĐAČA ELEKTRIČNE
ENERGIJE IZ OBNOVLJIVIH IZVORA ENERGIJE I EFIKASNE KOGENERACIJE

POGLAVLJE I. OSNOVNE ODREDBE

Član 1.
(Sadržaj i predmet)

(1) Ovim Internim pravilima propisuje se postupak za sticanje statusa potencijalnog privilegovanog i privilegovanog proizvođača električne energije iz obnovljivih izvora energije (u daljnjem tekstu: OIE) i sklapanja ugovora između Operatora za obnovljive izvore energije i efikasne kogeneracije (u daljnjem tekstu: Operator za OIEiEK) i proizvođača iz OIE, kako je to utvrđeno Zakonom o korištenju obnovljivih izvora energije i efikasne kogeneracije ("Službene novine Federacije BiH", br. 70/13 i 05/14) (u daljnjem tekstu: Zakon), Zakonom o električnoj energiji u Federaciji Bosne i Hercegovine („Službene novine Federacije BiH“ broj 66/13), i Uredbom o podsticanju proizvodnje električne energije iz obnovljivih izvora energije i efikasne kogeneracije i određivanju naknada za podsticanje („Službene novine Federacije BiH“, broj 48/14) (u daljnjem tekstu: Uredba).

(2) Postupak za sticanje statusa potencijalnog privilegovanog i privilegovanog proizvođača električne energije iz kogeneracijskog postrojenja će biti propisana nakon što Federalno ministarstvo energije, rudarstva i industrije (u daljnjem tekstu: Ministarstvo) donese Pravilnik o efikasnoj kogeneraciji.

Član 2.
(Svrha)

(1) Uspostavljanje transparentnih procedura kod podnošenja i obrade zahtjeva za sticanje statusa potencijalnog privilegovanog i privilegovanog proizvođača električne energije iz OIE doprinosi proizvodnji energije iz obnovljivih izvora čime se:

- daje podrška realizaciji obaveza koje je Bosna i Hercegovina preuzela potpisivanjem međunarodnih ugovora (Okvirna konvencija o klimatskim promjenama Ujedinjenih nacija – UNFCCC, Kjoto protokol, Ugovor o uspostavljanju Energetske zajednice)
- stvara povoljan ambijent za domaće i strane investiture vezano za sigurnost ulaganja u izgradnju postrojenja OIEiEK,
- stvaraju bolji uslovi za podsticanje, uvođenje, primjenu i razvoj novih tehnologija i opreme, te razvoj domaće ekonomije u cjelini,
- daje doprinos održivom razvoju, otvaranju novih radnih mjesta i razvoju poduzetništva u energetici,

- povećava sigurnosti snabdjevanja električnom energijom dugoročnim osiguranjem energije iz OIE,
- povoljno utiče na razvoj elektroenergetskog sektora u cjelini,
- potiče na racionalnije korištenje i raznolikost primarnih izvora energije,
- osigurava uvođenje konkurencije, transparentnosti i sprječavaju neželjeni efekti monopola i
- obezbjeđuje zaštita interesa korisnika sistema.

(2) Pri donošenju odluke po zahtjevu Operator za OIEiEK će se voditi principima datim u važećim propisima i Akcionom planu Federacije BiH za korištenje OIE („Službene novine Federacije BiH“, broj 48/14) (dalje: APOEF) čime se stvaraju uslovi za sistemsko rješavanje podsticanja proizvodnje i potrošnje obnovljive energije na način da se izbjegne negativan uticaj na socijalnu situaciju u Federaciji BiH.

Član 3. (Definicije)

Pojmovi koji se koriste u ovim Internim pravilima imaju značenje utvrđeno Zakonom.

POGLAVLJE II. POSTUPAK PRIJEMA I OBRADJE ZAHTJEVA ZA STICANJE STATUSA POTENCIJALNOG PRIVILEGOVANOG PROIZVOĐAČA

ODJELJAK A. PRIJEM ZAHTJEVA

Član 4. (Prijem zahtjeva)

(1) Postupak prijema i obrade zahtjeva vršiti će se u skladu sa Zakonom o upravnom postupku („Službene novine Federacije BiH“, broj 02/98 i 48/99) i ovim Internim pravilima.

(2) Zahtjev za sticanje statusa potencijalnog privilegovanog proizvođača električne energije s pratećom dokumentacijom zaprima se u prostorijama Operatora za OIEiEK ličnim podnošenjem ili putem pošte.

(3) Zahtjev za sticanje statusa potencijalnog privilegovanog proizvođača podnosi se na uredno popunjenom obrascu OZSSPPP-1, koji je dat Uredbom.

(4) U prilogu obrasca iz stava (5) ovog člana podnosilac zahtjeva dužan je dostaviti:

- a) Aktuelni Izvod iz sudskog registra nadležnog suda, izvod odnosno potvrdu o upisu u drugi odgovarajući registar izdatu od nadležne institucije,
- b) Registarski i porezni broj podnosioca zahtjeva,
- c) Izjavu podnosioca zahtjeva o strukturi izvora finansiranja koja je usklađena sa studijom izvodljivosti ili Potvrda poslovne/komercijalne banke ili kreditne institucije o solventnosti podnosioca zahtjeva i mogućnosti da vlastitim sredstvima finasira izgradnju proizvodnog postrojenja i/ili da ima pristup i mogućnost da obezbijedi kreditna finansijska sredstva za izgradnju proizvodnog postrojenja,
- d) Izjavu podnosioca zahtjeva o svim otvorenim transakcijskim računima kod komercijalnih banaka i bankarska potvrda njihovog statusa,

- e) Glavni projekt ili dio tehničke dokumentacije iz Glavnog projekta iz rješenja o odobrenju građenja, a koja sadrži tehničke podatke, tehnička rješenja i ekonomsko – finansijsku analizu projekta, uključujući i vrijednost investicije,
- f) Energetsku dozvolu koju izdaje Federalno ministarstvo energije, rudarstva i industrije,
- g) Pravosnažno odobrenje za građenje/građevinsku dozvolu od nadležnog federalnog ili kantonalnog ili općinskog organa,
- h) Dokaz o mogućnosti obezbjeđena novčanog depozita ili bankarske garancije u visini do 1% vrijednosti investicije,
- i) Prethodnu elektroenergetska saglasnost za priključak na distributivnu mrežu, i/ili mišljenje, načelnu saglasnosti ili elaborat tehničkog rješenja i uslove priključenja na prienosnu mrežu,
- j) Dokaz o riješenim imovinsko-pravnim odnosima vezanim za nekretninu na kojoj se namjerava graditi proizvodno postrojenje.

(5) Dokumentacija iz stava (4) ovog člana dostavlja se u originalu ili ovjerenoj fotokopiji.

(6) Podnosilac zahtjeva dužan je uplatiti odgovarajuću administrativnu naknadu u skladu sa Odlukom Operatora za OIEiEK o jednokratnim administrativnim naknadama za obradu zahtjeva, broj: 02-117/14 od 04.07.2014. godine, te Operatoru za OIEiEK, uz zahtjev, dostaviti dokaz o izvršenoj uplati.

(7) Operator za OIEiEK je dužan utvrditi kompletnost zahtjeva u smislu stava (3), (4), (5) i (6) ovog člana.

Član 5. (Nekompletan zahtjev)

(1) Zahtjev će se smatrati nekompletnim u sljedećim slučajevima:

- a) Podnosilac zahtjeva nije u potpunosti ili nije pravilno popunio Obrazac OZSSPPP-1,
- b) Podnosilac nije dostavio dokumente nabrojane u članu 4. stav (4) ovih Internih pravila ili
- c) Nije postupio u skladu sa članom 4. stav (6) ovih Internih pravila.

(2) Operator za OIEiEK je dužan podnosioca zahtjeva, pismeno obavijestiti o utvrđenim nedostacima iz stava (1) ovog člana, te odrediti rok od 15 dana za otklanjanje utvrđenih nedostataka.

(3) Ako podnosilac zahtjeva otkloni nedostatke u datom roku Operator za OIEiEK nastavlja postupak po podnesenom zahtjevu.

(4) Ako podnosilac zahtjeva ne otkloni nedostatke u datom roku smatrati će se da takav zahtjev nije ni podnesen, o čemu se podnosilac zahtjeva posebno upozorava u pozivu za ispravku nedostataka iz stava (1) ovog člana.

Član 6. (Kompletiran zahtjev)

(1) U slučaju ispunjenosti uslova iz člana 4. stav (3), (4), (5) i (6) ovih Internih pravila zahtjev će se smatrati kompletnim.

(2) Podatke o podnosiocu zahtjeva i datumu kompletiranja zahtjeva Operator za OIEiEK objavljuje na svojoj internet stranici.

(3) Rok za rješavanje po zahtjevu podnosioca iznosi 30 dana od dana kompletiranja zahtjeva.

ODJELJAK B. OBRADA ZAHTJEVA

Član 7. (Obrada zahtjeva)

- (1) Zahtjevi se rješavaju po redoslijedu dospijeća i datumu kompletiranja istog.
- (2) Rješavajući po zahtjevu Operator za OIEiEK provjerava ispravnost podataka i ispunjenost kriterija za dodjeljivanje statusa potencijalnog privilegovanog proizvođača, primjenjujući sve važeće zakonske i podzakonske propise koji regulišu ovu oblast .
- (3) Prilikom utvrđivanja činjenica vezanih za podneseni zahtjev Operator za OIEiEK utvrđuje da li postrojenje iz zahtjeva ispunjava kriterije u pogledu:
 - a) veličine, odnosno, instalisane snage postrojenja,
 - b) ugradnje nove opreme i uvođenja novih tehnologija i
 - c) vremena potrebnog za njegovu izgradnju, priključenja na elektroenergetsku mrežu i dobivanja upotrebne dozvole.
- (4) Provjera iz stava (3) ovog člana vršiti će se u sjedištu Operatora za OIEiEK, u sjedištu podnosioca zahtjeva i na lokaciji na kojoj se namjerava graditi energetska objekt.
- (5) Operator za OIEiEK je dužan utvrditi popunjenost dinamičke kvote za tu vrstu postrojenja i raspoloživost finansijskih sredstava.

Član 8. (Rješavanje po zahtjevu)

- (1) Operator za OIEiEK donosi pozitivnu odluku ukoliko postrojenje iz zahtjeva zadovoljava sve kriterije i ukoliko svojom kompletnom instalisanom snagom ulazi u dinamičku kvotu predviđenu za tu vrstu postrojenja, uz provjeru raspoloživosti finansijskih sredstava.
- (2) Operator za OIEiEK donosi odluku kojim se podnosiocu zahtjeva nudi da se njegovo postrojenje uključi na listu čekanja ukoliko postrojenje zadovoljava kriterije u pogledu veličine postrojenja i potrebnog vremena za njegovu izgradnju, priključenja na elektroenergetsku mrežu i dobivanja upotrebne dozvole, ako je dinamička kvota za tu vrstu postrojenja popunjena. Pod dinamičkom kvotom za tu vrstu postrojenja podrazumijeva se dinamička kvota određena APOEF-om, za taj primarni izvor. U tom slučaju Operator za OIEiEK daje jasnu informaciju podnosiocu zahtjeva kada bi najranije to postrojenje moglo biti uključeno u dinamičku kvotu za tu vrstu postrojenja.
- (3) Operator za OIEiEK donosi negativnu odluku ukoliko postrojenje ne zadovoljava kriterije u pogledu instalisane snage postrojenja ili potrebnog vremena za njegovu izgradnju, priključenja na elektroenergetsku mrežu i dobijanja upotrebne dozvole. U tom slučaju Operator za OIEiEK dostavlja preciznu informaciju o tome koji kriterij nije ispunjen.
- (4) Akt Operatora za OIEiEK kojim se donose odluke iz stava (1), (2) i (3) ovog člana moraju sadržavati pouku o pravnom lijeku.

Član 9. (Postupanje po Rješenju)

- (1) U slučaju donošenja pozitivne odluke iz člana 8. stav (1) ovih Internih pravila, podnositelj zahtjeva je dužan da, u roku od 30 dana, izvrši plaćanje novčanog depozita u iznosu od 1% ukupne investicione vrijednosti projekta, ili dostavi bankovnu garanciju

na isti iznos naplativu po pozivu, kao garanciju da će postrojenje biti izgrađeno u predviđenom roku, nakon čega stiče status potencijalnog privilegiranog proizvođača i pravo potpisivanja predugovora o otkupu električne energije proizvedene iz postrojenja OIEiEK (u daljem tekstu: Predugovor). Projekti čija ukupna instalirana snaga postrojenja ne prelazi 23 kW, ne podliježu obavezi plaćanja depozita.

(2) U slučaju donošenja odluke iz člana 8. stav (2) ovih Internih pravila, podnosilac zahtjeva, u roku od 15 dana od dana dobivanja odluke, obavještava Operatora za OIEiEK da li prihvata tu ponudu. Ukoliko je odgovor pozitivan, Operator za OIEiEK je dužan postrojenje podnosioca zahtjeva uključiti na listu čekanja. Podatke o podnosiocu zahtjeva, datumu uključivanja na listu čekanja i podatke o postrojenju Operator za OIEiEK objavljuje na svojoj internet stranici.

(3) Ukoliko podnosilac zahtjeva po dobivanju odluke iz člana 8. stav (3) ovih Internih pravila, obnovi zahtjev Operatoru za OIEiEK, kao relevantan smatra se datum podnošenja ponovljenog zahtjeva.

Član 10. (Predugovor o otkupu električne energije)

(1) Nakon dostave dokaza o uplati novčanog depozita iz člana 9. stav (1) ovih Internih pravila, podnosilac zahtjeva stiče pravo potpisivanja Predugovora.

(2) Predugovor sadrži obavezne odredbe vezane za:

- a) ugovorne strane, vrstu i instaliranu snagu planirane elektrane,
- b) predmet predugovora, datum zaključenja i datum prestanka predugovora,
- c) obaveze podnosioca zahtjeva u pogledu rokova izgradnje elektrane, dobivanja upotrebne dozvole i sticanja statusa privilegovanog proizvođača,
- d) obaveze Operatora za OIEiEK u pogledu otkupa cjelokupne proizvedene energije i u pogledu preuzimanja balansne odgovornosti,
- e) garantovanu cijenu električne energije utvrđenu u skladu sa zakonom,
- f) obaveze potencijalnog privilegovanog proizvođača vezano za priključenje postrojenja na elektroenergetsku mrežu i tehničke podatke o postrojenju i planiranoj proizvodnji,
- g) način komunikacije ugovornih strana,
- h) obaveze ugradnje i instaliranja informatičko-komunikacijske opreme koja će omogućiti daljinski nadzor i kontrolu svih relevantnih parametara rada postrojenja,
- i) razloge za prijevremeni raskid predugovora,
- j) uslove prijenosa prava i obaveza iz predugovora na treća lica.

(3) Ukoliko potencijalni privilegovani proizvođač ne završi izgradnju postrojenja i priključak na elektroenergetsku mrežu i ne dobije upotrebnu dozvolu u vremenu naznačenom u Predugovoru, Predugovor se automatski raskida i investitor gubi status potencijalnog privilegovanog proizvođača bez prava da potražuje povrat novčanog depozita iz člana 9. stav (1) ovih Internih pravila, osim u slučajevima kada se radi o administrativnim barijerama.

(4) Nakon raskida Predugovora, Operator za OIEiEK će:

- a) u slučaju da je investitor sa kojim je Predugovor raskinut izvršio uplatu novčanog depozita - poduzeti potrebne radnje za transfer novčanog depozita, na transakcijski račun Operatora za OIEiEK ili
- b) u slučaju da je investitor dostavio bankovnu garanciju naplativu po pozivu - poduzeti potrebne radnje za naplatu bankovne garancije.

POGLAVLJE III. POSTUPAK PRIJEMA I OBRADJE ZAHTJEVA ZA STICANJE STATUSA PRIVILEGOVANOG PROIZVOĐAČA

ODJELJAK A. PRIJEM ZAHTJEVA

Član 11. (Prijem zahtjeva)

(1) Postupak prijema i obrade zahtjeva vršiti će se u skladu sa Zakonom o upravnom postupku („Službene novine Federacije BiH“, broj: 02/98 i 48/99) i ovim Internim pravilima.

(2) Zahtjev za sticanje statusa privilegovanog proizvođača električne energije s pratećom dokumentacijom zaprima se u prostorijama Operatora za OIEiEK ličnim podnošenjem ili putem pošte.

(3) Zahtjev za sticanje statusa privilegovanog proizvođača podnosi se na uredno popunjenom obrascu OZSSPP-2, koji je dat Uredbom.

(4) U prilogu obrasca iz stava (5) ovog člana podnosilac zahtjeva dužan je dostaviti:

- a) Aktuelni Izvod iz sudskog registra nadležnog suda, izvod odnosno potvrdu o upisu u drugi odgovarajući registar izdatu od nadležne institucije,
- b) Registar i porezni broj podnosioca zahtjeva,
- c) Izjavu podnosioca zahtjeva o strukturi izvora finansiranja koja je usklađena sa studijom izvodljivosti ili Potvrda poslovne/komercijalne banke ili kreditne institucije o solventnosti podnosioca zahtjeva i mogućnosti da vlastitim sredstvima finansira izgradnju proizvodnog postrojenja i/ili da ima pristup i mogućnost da obezbijedi kreditna finansijska sredstva za izgradnju proizvodnog postrojenja,
- d) Izjavu podnosioca zahtjeva o svim otvorenim transakcijskim računima kod komercijalnih banaka i bankarska potvrda njihovog statusa,
- e) Glavni projekt ili dio tehničke dokumentacije iz Glavnog projekta iz rješenja o odobrenju građenja, a koja sadrži tehničke podatke, tehnička rješenja i ekonomsko – finansijsku analizu projekta, uključujući i vrijednost investicije,
- f) Energetsku dozvolu koju izdaje Federalno ministarstvo energije, rudarstva i industrije,
- g) Upotrebnu dozvolu,
- h) Dozvolu za rad-licence za obavljanje djelatnosti proizvodnje električne energije,
- i) Akt/ugovor o priključenju na prijenosni odnosno distributivni sistem, sa potvrdom nadležnog operatora da je mjerno mjesto postrojenja koje je predmet zahtjeva izvedeno u skladu sa važećim propisima i pravilima koji regulišu ovu oblast,
- j) Ugovor o prodaji toplotne energije, odnosno potvrdu podnosioca zahtjeva da se proizvedena toplotna energija koristi za vlastite potrebe, ukoliko se zahtjev odnosi na kogeneracijsko postrojenje,
- k) Dio Glavnog projekta u kojoj je proračunat stepen korisnosti postrojenja ukoliko se radi o kogeneracijskom postrojenju,
- l) Podatke o licu/licima odgovornom za rad elektrane (ime, funkcija, telefon, faks, e-mail).

(5) Dokumentacija iz stava (4) ovog člana dostavlja se u originalu ili ovjerenoj fotokopiji.

- (6) Podnosilac zahtjeva dužan je uplatiti odgovarajuću administrativnu naknadu u skladu sa Odlukom Operatora za OIEiEK o jednokratnim administrativnim naknadama za obradu zahtjeva, broj: 02-117/14 od 04.07.2014. godine te Operatoru za OIEiEK, uz zahtjev, dostaviti dokaz o izvršenoj uplati.
- (7) Operator za OIEiEK je dužan utvrditi kompletnost zahtjeva u smislu stava (3), (4) i (5) ovog člana.

Član 12. (Nekompletan zahtjev)

- (1) Zahtjev će se smatrati nekompletnim u sljedećim slučajevima:
 - a) Podnosilac zahtjeva nije u potpunosti ili nije pravilno popunio Obrazac OZSSPP-2,
 - b) Podnosilac nije dostavio dokumente nabrojane u članu 11. stav (4) ovih Internih pravila ili
 - c) Nije postupio u skladu sa članom 11. stav (6) ovih Internih pravila.
- (2) Operator za OIEiEK je dužan podnosioca zahtjeva, pismeno obavijestiti o utvrđenim nedostacima iz stava (1) ovog člana, te odrediti rok od 15 dana za otklanjanje utvrđenih nedostataka.
- (3) Ako podnosilac zahtjeva otkloni nedostatke u datom roku Operator za OIEiEK nastavlja postupak po podnesenom zahtjevu.
- (4) Ako podnosilac zahtjeva ne otkloni nedostatke u datom roku smatrati će se da takav zahtjev nije ni podnesen, o čemu se podnosilac zahtjeva posebno upozorava u pozivu za ispravku nedostataka iz stava (1) ovog člana.

Član 13. (Kompletiran zahtjev)

- (1) U slučaju ispunjenosti uslova iz člana 11. stav (3), (4), (5) i (6) ovih Internih pravila zahtjev će se smatrati kompletnim.
- (2) Podatke o podnosiocu zahtjeva i datumu kompletiranja zahtjeva Operator za OIEiEK objavljuje na svojoj internet stranici.
- (3) Rok za rješavanje po zahtjevu podnosioca iznosi 30 dana od dana kompletiranja zahtjeva.

ODJELJAK B. OBRADA ZAHTJEVA

Član 14. (Obrada zahtjeva)

- (1) Zahtjevi se rješavaju po redoslijedu dospjeća i datumu kompletiranja istog.
- (2) Rješavajući po zahtjevu Operator za OIEiEK provjerava ispravnost podatka i ispunjenost kriterija za dodjeljivanje statusa privilegovanog proizvođača, primjenjujući sve važeće zakonske i podzakonske propise koji regulišu ovu oblast.
- (3) Provjera iz stava (2) ovog člana vršiti će se u sjedištu Operatora za OIEiEK, u sjedištu podnosioca zahtjeva i na lokaciji na kojoj je energetska objekat izgrađen.
- (4) Operator za OIEiEK je dužan utvrditi popunjenost dinamičke kvote za tu vrstu postrojenja i raspoloživost finansijskih sredstava.

Član 15.
(Rješavanje po zahtjevu)

(1) Operator za OIEiEK donosi pozitivnu odluku ukoliko postrojenje iz zahtjeva zadovoljava sve kriterije i ukoliko svojom kompletnom instalisanom snagom ulazi u dinamičku kvotu predviđenu za tu vrstu, uz provjeru raspoloživosti finansijskih sredstava.

(2) Operator za OIEiEK donosi odluku kojim se podnosiocu zahtjeva nudi da se njegovo postrojenje uključi na listu čekanja ukoliko postrojenje zadovoljava kriterije u pogledu veličine postrojenja, ako je dinamička kvota za tu vrstu postrojenja popunjena. Pod dinamičkom kvotom za tu vrstu postrojenja podrazumijeva se dinamička kvota određena APOEF-om, za taj primarni izvor. U tom slučaju Operator za OIEiEK daje jasnu informaciju podnosiocu zahtjeva kada bi najranije to postrojenje moglo biti uključeno u dinamičku kvotu za tu vrstu postrojenja.

(3) Operator za OIEiEK donosi negativnu odluku ukoliko postrojenje ne zadovoljava zakonom propisane kriterije. U tom slučaju Operator za OIEiEK dostavlja preciznu informaciju o tome koji kriterij nije ispunjen.

(4) Akt Operatora za OIEiEK kojim se donose odluke iz stava (1), (2) i (3) ovog člana moraju sadržavati pouku o pravnom lijeku.

Član 16.
(Postupanje po Rješenju)

(1) U slučaju donošenja pozitivne odluke iz člana 15. stav (1) ovih Internih pravila, podnosilac zahtjeva stiče status privilegovanog proizvođača i pravo potpisivanja ugovora o otkupu električne energije (u daljnjem tekstu: Ugovor) sa Operatorom za OIEiEK.

(2) U slučaju donošenja odluke iz člana 15. stav (2) ovih Internih pravila, podnosilac zahtjeva u roku od 15 dana od dana dobivanja odluke, obavještava Operatora za OIEiEK da li prihvata tu ponudu. Ukoliko je odgovor pozitivan, Operator za OIEiEK je dužan postrojenje podnosioca zahtjeva uključiti na listu čekanja. Podatke o podnosiocu zahtjeva, datumu uključivanja na listu čekanja i podatke o postrojenju Operator za OIEiEK objavljuje na svojoj internet stranici.

(3) Ukoliko podnosilac zahtjeva po dobivanju odluke iz člana 15. stav (3) ovih Internih pravila, obnovi zahtjev Operatoru za OIEiEK, kao relevantan smatra se datum podnošenja ponovljenog zahtjeva.

Član 17.
(Ugovor o otkupu električne enregije)

(1) Sadržaj Ugovora utvrđuje se u skladu sa Zakonom, zakonom kojim se uređuju obligacioni odnosi i Uredbom, a sadrži naročito odredbe vezane za:

- a) ugovorne strane i kategoriju privilegovanog proizvođača,
- b) predmet ugovora, datum sklapanja i datum prestanka ugovora,
- c) mjesto kupoprodaje energije,
- d) mjesto i način mjerenja,
- e) način utvrđivanja gubitaka između mjesta kupoprodaje i mjesta mjerenja, ukoliko se ne nalaze na istom mestu,
- f) način davanja prigovora na očitane vrijednosti,
- g) način utvrđivanja proizvodnje u slučaju kvara mjernog uređaja,

- h) cijenu električne energije utvrđenu Metodologijom koju donosi FERK u skladu sa Zakonom,
 - i) tehnički podaci o postrojenju
 - j) način i dinamiku obračunavanja, fakturisanja i plaćanja,
 - k) kamatu u slučaju neblagovremenog plaćanja,
 - l) način obezbjeđenja garancije plaćanja,
 - m) način komunikacije ugovornih strana,
 - n) obaveze ugradnje i instaliranja informatičko-komunikacijske opreme koja će omogućiti daljinski nadzor i kontrolu svih relevantnih parametara rada postrojenja,
 - o) obaveze Operatora za OEIiEK u pogledu preuzimanja balansne odgovornosti i privilegovanog proizvođača u pogledu planiranja rada elektrane,
 - p) obaveze privilegovanog proizvođača u pogledu izdavanja i prijenosa garancija porijekla na snabdjevača;
 - q) spisak podataka čija se tajnost garantuje,
 - r) odgovornost za nastanak štete,
 - s) način i mjesto arbitraže,
 - t) spisak događaja koji se smatraju višom silom u skladu sa važećim aktima,
 - u) razloge privremenog prekida i uslove nastavka ugovora,
 - v) razloge i uslove trajnog raskida ugovora,
 - w) uslove prijenosa prava i obaveza iz ugovora na treća lica.
- (2) Privilegovani proizvođač ima pravo prodaje proizvedene električne energije po garantovanim cijenama tokom perioda od 12 godina.
- (3) Za početak rada novoizgrađenih postrojenja za proizvodnju električne energije iz OIEiEK se uzima dan kada postrojenje počinje isporuku električne energije na mrežu, odnosno, od dana dobijanja upotrebne dozvole, ne računajući period probnog rada.
- (4) Ugovorom se precizira i da se tokom probnog rada otkup proizvedene električne energije iz postrojenja vrši po referentnoj cijeni. Probni rad ne može trajati duže od šest mjeseci.
- (5) Nakon isteka perioda od 12 godina privilegovani proizvođač nastavlja da koristi sva prava koja se odnose na kvalifikovanog proizvođača koji nije u sistemu podsticaja.

POGLAVLJE IV. ZAVRŠNE ODREDBE

Član 18. (Internet stranica)

Operator za OIEiEK ažurira podatke na svojoj internet stranici svakog radnog dana.

Član 19. (Neregulisana pitanja)

- (1) O pitanjima koja nisu utvrđena ovim Internim pravilima, odlučivat će se u svakom konkretnom slučaju u skladu sa važećim pravnim propisima i strateškim dokumentima iz sektora energije u Federaciji Bosne i Hercegovine.
- (2) Postupak po zahtjevu za sticanje statusa potencijalnog privilegovanog i privilegovanog proizvođača električne energije iz kogeneracijskog postrojenja će biti propisana nakon što Ministarstvo donese Pravilnik o efikasnoj kogeneraciji.

Član 20.
(Izmjene i dopune)

Izmjene i dopune ovih Internih pravila vrše se na način i po postupku propisanom za njegovo donošenje.

Član 21.
(Stupanje na snagu)

Ova Interna pravila stupaju na snagu danom objavljivanja na internet stranici Operatora za OIEiEK.

Broj:02-535/14
Mostar, 04.11.2014. godine



DIREKTOR

Hajrudin Bećirović